



ATASSUT

UPA 2017/132

Mala Høy Kúko

24. 04. 2017

Uunga siunnersuut: Inuit Innarluutillit illersuisat pillugu Inatsisartut inatsisaat nr. xx, xx xxx 2017-imeersoq.

(Ilaqutariinnermut, Naligiissitaanermut, Isumaginninnermut Inatsisinillu atuutsitsinnermut Naalakkersuisoq)

Inuit innarluutillit illersuisuat pillugu Inatsisartut inatsisisaat nr.xx,xx xxx 2017-imeersoq ATASSUT-minngaaniit imatut oqaaseqarfigissavarput.

Inatsisissatut siunnersuut Inuit Innarluutillit illersuisoqarfiannut, inuiaqatigiinni inuit innarluutillit pisinnaatitaaffinut soqutigisaannullu kiisalu inunnut innarluutilinnut inuiaqatigiinni atukkanik paasissutissiinissamut sinaakkusiinissamut siunertaqartoq ATASSUT-minngaaniit tapersorsoratsigu.

Naatsumik oqaatigalugu inuit Innarluutillit illersuisuata innarluutillit pisinnaatitaaffinnik atugarisaannullu katersissaaq siammarterissallunilu pisortanut inuiaqatigiinnullu.

Ukiuni pereersuni arlaqartuni innarluutillit Kalaallit Nunatsinni arlaqartut assigiinngitsutigut maalaaruteqartarnerat tusarsaajuartarsimavoq. Maalaaruteqartarnerillu Kalaallit Nunatsinni inatsisitunik nammineerluta pigisatsinnik aasassaqannginnerput illersorneqarfigisinnaasatsinnik sanngiiffigisimavarput.

Taamaammat ATASSUT-miit Naalakkersuisut siunnersuutaat inatsisitigut Kalaallit Nunatsinni innarluutillit illersorneqarsinnaangornissaat nuannaarutigalugu kiisalu maalaruteqarnissaminnut ilitsersorneqarsinnaangornissaat tapersorsorlugu oqaatigissuarput.

Qaammammi februaarimi autistertut pillugi HHE-mi ataatsimeersuarnermik ingerlatsisoqarnerani ulluni sisamani ingerlanneqartumi inunnillu 180-ni Kalaallit Nunatsinniit kiisalu aamma qallunaat nunaanninngaaniit peqataaffigineqartumi,

taassumaannaalluunnii takutippaa qanoq Kalaallit Nunatsinni autistertut qanigisaaninggaaniit nunatsinni ikiortissanik saaffissaasuaneq ilungersunartigisoq.

Taamaammat ATASSUT-miit suliassat pingaarutillit nakkutigineqartuumik ingerlanneqalernissaat tapersorsorlugu inatsisissaq ataatsimiititalianut susassaqartunut peqqissaartumik ingerlanneqarnissaa innersuussutigissuarput.

Qujanaq.